

光緒己亥年新年鐫

謝星煥映廬先生甫著

得心集醫案

山禪
天寶樓藏板

右得心集六卷

先伯父映廬府君

遺稿也

伯父幼穎異好讀書家落

棄儒術繼

先代業遂肆力于岐黃

諸書問醫者日踵其門治之輒奏奇
效暇則取所得于心者悉編之冊兵
燹後懼散佚不復存三兄杏園謀梓

于世棠蒙

伯父愛幼善病五六歲

體尤弱種痘時

伯父多投參附諸

藥體為之變尤喜棠讀書每於解館

歸輒課棠以詩文其玉成夫棠者蓋

如此今得心集告成棠可無一言哉

敢謹附數語于簡末姪甘棠謹識

映廬老伯大人遺像

現壽者相抱仁人術卓哉
謝公名真不沒濟人為急愛士尤殷
孟嘗結客高義肯雲何期一別
叔值滄桑我行未已聞笛山陽
公歸蓬島我返岩阿拜公遺像
傷如之何

繡谷愚姪吳謙子益拜題

映廬太老伯大人像讚

溫然而恭慨然而義三世論交時親光霽
活人無算惠我尤多廿年飲德藥圃春和
古道可風卓哉行誼神化丹青流傳後裔
手著長新心傳有錄撫卷思公我懷猶觸

世愚再姪金谿許廷桂拜題



謝曉廬先生遺像



遺像

其貌甚偉其人則古盜酒不
再吾誰與語

映廬芒村大人遺像世姪姜演敬題

業於技貌則道里其人
一字報

東鄉曉崔胡業恆拜題

跋

基

自弱冠受業

映廬夫子門下學夫子

學心夫子心宜有以傳夫子也顧賦性魯
鈍自少至壯迄無所成迨夫子云亡學愈
荒心愈塞直不啻置身門外者昨歲杏園
三世兄纂集夫子醫案而以鈔錄委任於
基基既樂夫子醫學可永其傳又樂杏園

兄善爲繼述有以慰夫子於地下於是孜孜研席窮再歲之力凡其字跡剝蝕難辨者悉爲揣摩添補八易稿而書乃成嗚呼以夫子醫學之精治驗之神當此兵戈擾攘而得成其書以傳於後謂是天之厚愛吾夫子固也而豈徒厚愛吾夫子已哉受

業劉紹基謹跋

映廬夫子

珩

姨表叔父也

珩

兄弟九

珩

行

二先父特鐘愛知

夫子精醫理俾

珩

受

業門下其時

夫子季弟啟明者與

珩

同

筆硯讀靈樞經夜輒數十行夫子亦深夜

督課不間寒暑

珩

羨啟叔之敏而感夫子

之勤益奮力於經旨恒偕啟叔挑燈徹曉

夫子爲之歡甚亡何啟叔體弱肝強因勞

致疾遂以不起夫子大慟曰是天喪予也

自是

珩

獨侍門下閱三十餘載有延

珩

治

病者夫子示曰病欲十全入門祇先求無
過肱當三折斯時莫道學有功嗚呼斯語
也豈獨珩當永誌哉間嘗觀夫子臨症始
或蹙額繼乃舒顏其慎重爲何如也迨道
光辛卯始有得心集之著每一臨症必書

之冊置諸篋中不下盈千累萬咸豐丁巳
慘遭兵燹夫子悲憤棄世集亦散帙過半
大嗣君時若專舉子業惟三嗣君杏園侍
學有年克承先業懼夫子著述湮沒爰與
珩及同門紹基彙集抄出取其已效於世
堪爲準繩者編成六卷并附杏園一得集
數十餘案於后我夫子失之弟而得之子

天何嘗喪夫子哉

珩

既沐夫子訓迪深恩

又忝襄校之末敢附數語以誌淵源一脈

耳受業汪士珩謹跋

竊憶丁巳遭亂先君憂憤棄世檢點行囊
醫案累累嗚呼音容杳矣手澤猶存幸耶
悲夫夫醫凡利於人者可以傳矧利人奕
世宜奕世並傳霖家自先曾大父士駿
公棄儒就醫兼通數學著有醫學數學說
先大父職夫公繼其業亦善卜著有醫卜
同源論迨先君映廬府君醫閱三世著

述益富得心集其初稿也先君嘗謂霖曰

異曰者是集可附祖父稱醫學三世錄意
深遠矣亡何兵燹疊至時事頓非向所謂
三世錄者先曾大父之醫學數學說失矣
先大父之醫卜同源又失矣存者惟府君
是集耳顧亦散逸過半焚如亂絲脫併此
久而湮沒霖罪滋大霖兄弟四其二與四

皆新故惟三弟

甘澍

侍學有年克守先業

去年春亟命纂輯編次而請勘於金谿孝

廉姜真吾明經趙省庵皆博學通醫與

霖

爲世交知先君深先君亦雅契之固知責
有難謝亦心所樂從也十閱月而稿稱定
十一閱月而門類標題告成案計二百五
十餘首兼述治答問按類分附繕寫旣竣